

Sam Swngj (gih) Seiq Yienh Caemhsim Couq-maenh Gij Eiqsik Caezcaemh Cunghvaz Minzcuz

10 nyied 24 hauh, Yungzsuij Myauzcuz Swciyen Danenz Yangh guh cawjdaez gyauhliuz hozdung “angqhoh fungsou” caeuq Gvangjsih、Huznanz、Geicouh humx “ndoi sam sengj” rangh guhyienh couqmaenh gij eiqsik caez-caemh Cunghvaz Minzcuz, doenggvaq codanz gyauhliuz、baijgai doxgaiq reihnaz、yienjheiq daengj lai cungj hingzik, coicaenh sam swngj (gih) seiq yienh gak cuz ginzung “sam gyau”.

Gyauhliuz codanzvei ceijok, aeu laebdaeb gyagiengz sam swngj (gih) doxgap caemhguh, laebdaeb haenq-rengz doicaenh hwnqguh rangh guhyienh couqmaenh gij eiqsik caez-caemh Cunghvaz Minzcuz cangzdaiva caeuq cangzyauva. Aeu gyagiengz caemhguh aen gwzgiz lienzhaz hwnqguh henzgyaiq swngj caeuq swngj, guh gij hozdung mizgven, coicaenh “ndoi sam sengj” gak minzcuz “sam gyau”. Aeu yungh baez

hozdung neix guh gihvei youqgaenj, doengz sim doengz hingz, gyagiengz vwnzva gyauhliuz, coicaenh gij vwnzva nyinhdoengz “ndoi sam sengj”, caemhsim couqmaenh gij eiqsik caez-caemh Cunghvaz Minzcuz.

Ngoenzde, gyoengqvunz camgya hozdung haenx lij cazyawj aen ranz-senhconz vwnzva Danenz Yangh, bae roxyiuj gij ginglig hwnghat caeuq gij cingzgvang minzcuz vwnzva hwnghat aen yangh neix. Vwnzyi vanjvei caeuq

baijgai doxgaiq reihnaz doengzseiz guh, yienhciegz nauhyied dangqmaz. Doenggvaq yienjheiq baijok Yungzsuij gak minzcuz conzdungj vwnzva caeuq cwngzgoj hong cauhamoq lijyouz coi “sam gyau”. Baijgai doxgaiq reihnaz gya’ gvangq miengloh siugai, coicaenh gij yangh cin aen yienh henzgyawj ginghci baedauq, caemhguh ranz-mbanj vuenyungz caemh fouqmiz.

(荣珍珏 / *Yungz Cinhgez* 黄诚 / *Vangz Cwngz*)



Denhdwngj Guh Hozdung Cietsuenggangq

10 nyied 23 hauh, Denhdwngj Yen youq Denhgauh Gvangjangz guh hozdung cietsuenggangq Bouxcuengh, gak cuz ginzung daenj buhnde, angqyangz comz youq giz ndeu, diuq foux ciengq go caemh gvaq cietsuenggangq Bouxcuengh. Yienhciegz, cien vunz caemh diuq foux dwk longj, ciengzmienh saengdoengh, heiqseiq hungloet, yinx ginzung daeuj yawj, liz gyawj daeuj gamjsouh gij yinxdaeuz cien vunz dwk longj.

(黄诚松 / *Vangz Cwngzsungh* 覃日琴 / *Cinz Yizginz*)

◀ *Cien vunz diuq foux dwk longj.*

Vangz Cwngzsungh ingi

Gaiq Cibcaet Gvangjsih “Bazginzbeih” Lanzgiuz Doxdax Gietsaiq Youq Nanzdanh Haiguh

10 nyied 25 hauh, gaiq cibcaet Gvangjsih “bazginzbeih” lanzgiuz doxdax gietsaiq youq Nanzdanh Yen Dijyuzgvanz hai-guh, 23 aen doihlanzgiuz bouxsai、mehmbwk daj Nanzningz、

Hozciz、Bwzswz、Cungzcoj daengj dieg daeuj, gyoengqde yaek youq roek ngoenz doxdax ndawde beijbuek haenqrem, ciengj aeu daeuzmingz.

(罗丹荣 / *Loz Danhyungz*)



▲ *Youq gwnz gietsaiq bouxyinhdoengh ndek giuz.*



▲ *Ndit ndei gunghyinz cingq youq ndaw cangj dak faenj.*

Cwnzhih: Nyaengq Guh Faenj

10 nyied 25 hauh, Cwnzhih Si Sanhbauj Cin Mbanjcehoz ndit ndei, gunghyinz aen cangjfaenj Cehhoz cingq guh、dak faenj Sanhbauj. Aen cangj neix gaengawq gij cingzgvang dangdieg, lienzhaz vunzmbanj, yungh gij dieg ndaw mbanj, aeu raemxmoq gwnz bya

caeuq haeux bonjdeih daeuj guh faenj, cauxbaenz gij canjnieb miz daegsaek, daiqdoengh gyoengq vunz-mbanj couhnieb, coicaenh demsou baenzfouq, coenghreiz lajmbanj saenghwngh.

(何华文 / *Hoz Vazvwnz*)